



ЕЛ ТІЛЕГІ

gazeta_eltilegi@mail.ru

№33 (993) Сәрсенбі 2 қыркүйек 2026 жыл

РЕСПУБЛИКАЛЫҚ ТӘУЕЛСІЗ АҚПАРАТТЫҚ, ТАНЫМДЫҚ, ҚОҒАМДЫҚ-САЯСИ ГАЗЕТІ

<http://www.qsip.kz/>

<http://www.instagram.com/eltilegigazeti>

<http://www.facebook.com/eltilegigazeti>



ТАРИХИ ТАҒАЙЫНДАУЛАР

Мемлекет басшысы Құрылтай депутаттарының келісімімен ҚР Вице-президенті мен Премьер-министрін тағайындады.

Президент Қасым-Жомарт Тоқаев Құрылтай отырысына қатысып, Конституцияның 46-бабына сәйкес, Қазақстан Республикасының Вице-президенті мен Премьер-министрінің кандидатураларын Құрылтай депутаттарымен келісті.

Дауыс беру қорытындысы бойынша Вице-президент лауазымына Ерлан Кариннің кандидатурасы, Премьер-министр лауазымына Олжас Бектеновтің кандидатурасы депутаттардың басым дауысымен қолдау тапты.

Осыдан кейін Мемлекет басшысы Қазақстан Республикасының Вице-президенті ретінде Ерлан Тынымбайұлы Қаринді, Премьер-министр ретінде Олжас Абайұлы Бектеновті және Қауіпсіздік кеңесі төрағасының орынбасары лауазымына Аида Ғалымқызы Балаеваны тағайындау туралы Жарлыққа қол қойды.

ЕКІ АДАМ ҚҰТҚАРЫЛДЫ

Қызылорда қаласының Қазантаев көшесінде орналасқан бес қабатты тұрғын үйдің пәтерінде өрт шықты.

Оқиға орнына жедел жеткен Қызылорда облысы ТЖД өрт сөндірушілері арнайы баспалдақтың көмегімен екі адамды құтқарып, қауіпсіз жерге шығарды. Өрт сөндірушілердің жедел әрекетінің арқасында жалынның одан әрі таралуына жол берілмей, өрт толық сөндірілді. Зардап шеккендер жоқ. Қызылорда облысының ТЖД тұрғындарды өрт қауіпсіздігі ережелерін қатаң сақтауға шақырады.



«ЕЛ ТІЛЕГІ» ГАЗЕТІ

еліміздің барлық өңірлеріне тарайды. Бүгінде өзінің оқырмандары асыға күтетін, сүйіп оқытын басылымдарға 2027 жылдың I жартыжылдығына жазылу науқаны жүріп жатыр.

**«Ел тілегі» газетіне
жеке жазылушылар
үшін индекс 65007**

6 айға – 4502 теңге 22 тиын

**БАСЫЛЫМДЫ АСЫҒА КҮТЕТІН
ОҚЫРМАНДАРЫМЫЗБЕН
ӘРДАЙЫМ БІРГЕМІЗ!**

- Мекемеңіздің, компанияңыздың жұмысы ілгерілесін десеңіз, бизнесте мол табысқа қол жеткізіңіз келсе, әр бастаған ісіңіз сәттілік пен пайда әкелсін десеңіз «Ел тілегі» газетіне жарнама беріңіз!
- Сонымен бірге құттықтау, хабарландыру, еске алу жариялау ниетіңіз болса, құжаттарыңызды жоғалтқаныңыз, жеке кәсіпкерлік қызметті тоқтатқаныңыз туралы, басқа да ресми құжаттарды рәсімдеу жайлы хабарлама жасау қажеттілігі туса, Бізге хабарласыңыз!

**Қажетті ақпаратты мына
телефондар арқылы ала
аласыздар:
8 705 982 76 61,
8 777 752 54 63.**

САПАЛЫ БІЛІМ – ЕЛ БОЛАШАҒЫНЫҢ НЕГІЗІ

**«Өнер орталығында»
«Жаңа халықтық
Конституцияның
нормалары мен
құндылықтары: Адами
капиталды дамыту –
білім беру жүйесінің
стратегиялық негізі» атты
облыстық педагогикалық
тамыз конференциясы
өтті.**

Алқалы жиынға облыс әкімі Мұрат Ерғешбаев, Оқу-ағарту министрлігінің Білім саласында сапаны қамтамасыз ету комитеті төрағасының орынбасары Жәмила Есанова, Ғылым және жоғары білім министрінің кеңесшісі Руслан Емелбаев, облыстық мәслихат төрағасы Мұрат Плөумбетов және білім саласының ардагерлері мен ұстаздар қатысты.

Тамыз конференциясында аймақтың білім беру саласындағы жетістіктер мен маңызды бастамалар жан-жақты талқыланды.

«Жаңа оқу жылы қарсаңында алдағы даму бағытын белгілеу өте маңызды. Ұстаздардың республикалық тамыз конференциясында Мемлекет басшысы Қасым-Жомарт Кемелұлы: «Әділетті, Қуатты, Қауіпсіз әрі Таза Қазақстанның тірегі болатын жауапты әрі адал азаматтарды тәрбиелеу – бәріміздің ортақ міндетіміз» деп атап өтті. Басымдықтардың



бойынша жоғары көрсеткішке қол жеткізгенін ерекше атап өтті. Түлектеріміз үшінші жыл қатарынан республикада бірінші орында. Бұл ең алдымен ұстаздардың табанды еңбегі мен мемлекет қолдауының нәтижесі деп білемін. Облыстың 967 түлегі «Алтын белгі», 1124 түлегі «Үздік аттестат» иегері атанды. Білім алушылардың жетістіктерін мониторингтеу нәтижесінде оқушыларымыз 4-сыныптар арасында республика бойынша үшінші, 9-сыныптар арасында екінші орынға ие болды. Бұл

мен зияткерлік жарыстарға қатысатын дарынды оқушыларды қолдау жүйесін күшейтуіміз керек. Мемлекет басшысы айтқандай: «Ұстаз – ұлттың шамшырағы». Осы жауапты жолда Сіздерге зор денсаулық, сарқылмас күш-қуат, шығармашылық ізденіс пен кәсіби табыс тілеймін. Жаңа оқу жылы баршанызға тың бастамалар мен жарқын жетістіктер әкелсін!» – деді аймақ басшысы.

Сондай-ақ, облыс әкімі жауапты тұлғаларға жасанды интеллектті білім беру жүйесіне енгізуде педагогтердің цифрлық

Бұдан бөлек, аймақ басшысы педагогтердің біліктілігін арттыруды, жас мұғалімдерді қолдау және тәлімгерлік институтын күшейтуді, балалардың заңды мүдделері мен қауіпсіздігін қамтамасыз етуді, әлеуметтік осал топтағы балаларға көмек көрсетуді, қосымша білім беру ұйымдарының мүмкіндігін тиімді пайдаланып, балалардың бос уақытын ұйымдастыруды, сыбайлас жемқорлық тәуекелдерінің алдын алуды тапсырды.

Мемлекет басшысы Қасым-Жомарт Кемелұлының қатысуымен Астана қаласында өткен тамыз кеңесінде Жалағаш ауданы Әл-Фараби атындағы №201 мектеп-лицейінің мұғалімі Айгүл Шілдебаева «Қазақстанның еңбек сіңірген ұстазы» құрметті атағымен марапатталған болатын. Ал «Орта білім беретін үздік ұйым» аталымы бойынша берілетін 34 млн теңге грантка Жанақорған ауданы бойынша білім бөлімінің № 286 мектеп-лицейі лайық деп танылды.

Басқосуда білім саласында еселі еңбек етіп жүрген ұстаздар «Құрмет» орденімен, «Ерен еңбегі үшін», «Шапағат» медальдарымен, «Қазақстанның еңбек сіңірген ұстазы» құрметті атағымен, Қызылорда облысының Құрмет грамотасымен, «Қызылорда облысының дамуына қосқан үлесі үшін» медалімен, облыс әкімінің Алғыс хатымен, Оқу-ағарту министрлігінің «Еңбек ардагері», «Ыбырай Алтынсарин» медальдарымен, «Білім беру саласының үздігі» төсбелгісімен, «Орта білім беру ісінің үздігі» құрмет дипломы, Құрмет грамотасы, министрдің Алғыс хатымен марапатталды.

«Ел тілегі» ақпарат



катарында кадр тапшылығын жойып, ұстаздардың біліктілігін көтеру, аймақтар арасындағы білім сапасына қатысты алшақтықты жою, жасанды интеллектті орта білім беру жүйесіне енгізу, балаларды қорғау және олардың тәрбиесіне мән беру секілді негізгі бес бағыт айқындалды. Президентіміз өз сөзінде Қызылорда облысының мектеп бітірушілері Ұлттық бірінғай тестілеудің қорытындысы

– жақсы нәтиже. Бірақ осы жетістіктермен шектелуге болмайды. Президентіміз ауыл мектептерін дамыту және білім сапасы төмен аймақтарға нақты қолдау көрсетуді тапсырды. Осы ретте қала мен ауыл мектептері арасындағы айырмашылықты қысқартып, әрбір баланың сапалы білім алуына жағдай жасауымыз қажет. Сонымен бірге, халықаралық және республикалық олимпиадаларға, ғылыми жобалар

құзыретін арттыруды, оқу процесінде тиімді әрі қауіпсіз пайдаланудың озық тәжірибелерін енгізуді тапсырды.

«Адал азамат», «Заң мен тәртіп», Конституциялық құндылықтар тәрбие жұмысының негізгі өзегіне айналуы керек. Бұл міндетті тек мектепке жүктеп қоюға болмайды. Мемлекет, мектеп, ата-ана және қоғам бірлесіп жұмыс істегенде ғана нәтиже шығады.

ЗАҢ МЕН ТӘРТІП – ҚОҒАМ ДАМУЫНЫҢ ТІРЕГІ

Облыс әкімі Мұрат Ерғешбаевтың төрағалығымен өткен мәжілісте құқықбұзушылықтың алдын алу, қоғамдық тәртіпті сақтау, азаматтардың қауіпсіздігін қамтамасыз ету мәселелері қаралды. Оған барлық құқық қорғау органдарының бірінші басшылары қатысып, полиция департаментінің басшысы Серік Ерғешов баяндама жасады.

Мемлекет басшысының Әділетті Қазақстанды құру жолындағы маңызды бастамаларының бірі – «Заң мен тәртіп» қағидаты. Бұл қоғамның дамуына, адамдардың қауіпсіздігі мен бостандығына негіз болады.

Қоғамдық тәртіпті сақтау және қылмыспен күресу – құқық қорғау органдарының негізгі міндеті. Осы бағытта жүйелі жұмыс жүргізілуде. Кейінгі төрт жылда полиция органдарының ағымдағы шығындарына, материалдық-техникалық базасын жаңғыртуға және цифрландыруға жергілікті бюджеттен қомақты қаржы бөлінді. Аймақ басшысы қоғамдық тәртіпті сақтау және құқықбұзушылықтың алдын алу жұмыстарын күшейтуді тапсырды.

«Қылмыс пен құқықбұзушылықтың алдын алуға, азаматтардың қауіпсіздігі және халықтың полицияға деген сенімін арттыруда жедел шаралар қабылдап, жұмысты жетілдіру керек. Қоғамдық орындардағы қауіпсіздікті сақтау және құқықбұзушылықтың алдын алуға профилактикалық жұмыстарды күшейту, бейнебақылау жүйелерінің тиімділігін арттыру, заманауи цифрлық технологиялар



мен жасанды интеллект мүмкіндіктерін кеңінен пайдалану қажет. Сонымен қатар, полиция органдары халықпен кері байланысқа, азаматтардың өтініштері мен мәселелеріне жедел ден қоюы тиіс. Орын алған жағдайлар, тіркелген қылмыстар, құқықбұзушылықтар туралы ақпаратты дер кезінде таратып, туындаған сауалдарға кешіктірмей жауап беру керек. Заңға бағыну, тәртіп сақтау – орнықты дамуымыздың басты ұстанымы. Қылмыс пен тәртіпсіздікке жол берілмейтін қауіпсіз қоғам құрудағы жүйелі жұмыс жалғаса береді. Барша жерлестеріміз, жастар заң үстемдігінің маңызын түсінуі тиіс. "Тәртіпсіз ел болмайды, тәртіпке бағынған құл болмайды" деген батыр Бауыржан Момышұлының сөзі бүгінге бағдар болуы керек», – деді Мұрат Ерғешбаев.

Қазір барлық ауданда 616 бейнекамера және 54 жылдамдық өлшегіш құрылғы орнатылып, жедел басқару орталықтары іске қосылған.

Құқықбұзушылықтың алдын алу және азаматтардың қауіпсіздігін қамтамасыз етуде заманауи технологияларды кеңінен қолдануға басымдық берілген. Әсіресе, жасанды интеллект мүмкіндіктерін пайдалану арқылы құқықбұзушылықты жедел анықтау және алдын алу жетілдіріліп келеді.

Осы мақсатта 2025-2026 жылдары 1400 бейнекамера, 20 зияткерлік қиылыс және 58 стационарлық жылдамдық өлшегіш орнатылды. Сондай-ақ, жол қозғалысын бақылауға арналған 25 «Сұңқар» арнайы кешені іске қосылды.

